

Bibelstudium over Ruts bok

Veke 3

Møt forløysaren



Møt forløysaren

I kapittel 1 så vi korleis Naomi kom attende til Betlehem, fattig og tom. For Naomi verkar alt så langt bittert. Men det er ting som tyder på at dette skal endre seg. Vi vil sjå korleis Gud vil fylle henne. I kapittel 2 møter vi Boas, ein slektning av Elimelek, Naomis mann. Når du les teksten, så merk deg korleis Boas møter Rut, og korleis han velsignar henne.

Ruts bok kapittel 1

- 1** Les kapittel 2 nøye. Bruk gjerne teksten bakerst.
Marker med raud farge alle stadene i teksten der ord som «moabittkvinne» eller «framand» er nemnde.

Marker med grøn farge alle stadene der nokon velsignar nokon.

Skriv ein ↑ i margin kvar gong det er tale om å få eller motta noko.
- 2** Kva får vi vite om Boas i vers 1?
- 3** Kvifor trur du Rut spør Naomi om ho kan gå ut og sanke aks?

4 Kva står i lova om å plukke aks? Sjå 3 Mosebok 19:9-10 og 5 Mosebok 24:19-22. Kven hadde lov å plukke aks?

5 På kva måte vil forfattaren at vi skal vere overraska over korleis Boas møter Rut? (vers 4 og 5)

6 Les Salme 129. På kva måte er denne salma relevant for den tida Rut levde i? Korleis er Boas ein kontrast til dette?

7 Kva trur du Boas meiner når han spør kven Rut høyrer til? (vers 5)

8 Kva i teksten viser oss at dette var farleg for Rut borte frå Boas sine åkrar?

9 Les Efeserbrevet 2:11-13. Kva for ein parallell ser du mellom Rut og oss?

10 Kva tyder det at Rut er «komen for å søkje ly under HERRENS venger»? (vers 12)
Sjå Salme 91:4 og 57:2.

11 Kva for ei velsigning får Rut av Boas? (vers 12-13)

- 12 Kva for ei velsigning får Boas av Rut? (vers 10 og 13)
- 13 Kva for respons gir Naomi når ho får vite kven Rut har møtt? (vers 19-22)
Kvifor trur du Naomi no seier at HERREN ikkje har halde opp med å visa miskunn, verken mot dei levande eller dei døde?
- 14 Kva er ein «forløysar» (vers 20)?
Sjå 3 Mosebok 25:25-28 og 5 Mosebok 25:5-10.
- 15 Rut og Naomi går frå å vere tomme til å få fylde. Dei fekk del i førstegrøda. Seinare vil vi sjå at dei får ei endå større velsigning. Korleis kan dette vere relevant for oss som lever i dag? Sjå Romarbrevet 8:18-25, 1 Korintarbrev 15:20-28.
- 16 På kva måte har Gud velsigna deg?

Ruts bok 2:1-23

¹Noomi hadde ein slektning på sida til mannen hennar, ein mektig og velstående mann av Elimeleks slekt. Han heitte Boas. ²Ein dag sa Rut, moabittkvinna, til Noomi: «Lat meg gå ut på åkeren og sanko kornaks etter ein som vil visa meg velvilje.» Ho svara: «Gå du, dotter mi!» ³Så gjekk ho ut på åkeren og sanko aks etter skurdfolket. Og det trefte seg slik at åkerstykket ho sanko på, høyrde Boas av Elimelek-slekta til. ⁴Boas var nett komen frå Betlehem. Han sa til skurdfolket: « HERREN vere med dykk!» Dei svara han: « HERREN velsigne deg!»

⁵Boas spurde oppsynsmannen over skurdfolket: «Kven høyrer denne unge kvinna til?» ⁶Oppsynsmannen svara: «Det er den unge moabittkvinna som kom tilbake med Noomi frå Moab. ⁷Ho bad: Lat meg få plukka og sanko aks mellom kornbanda etter skurdfolket! Ho kom i dag tidleg og har stått her heilt til no. Berre ei lita stund har ho vore inne og kvilt seg.»

⁸Då sa Boas til Rut: «Høyr, dotter mi! Sank ikkje aks på nokon annan åker. Gå ikkje herifrå, men hald deg til mine tenestejenter. ⁹Sjå kvar på åkeren skurdfolka arbeider, og følg etter dei! Eg vil byda karane at dei ikkje får røra deg. Blir du tørst, så gå bort til krukkene og drikk av det som tenestefolket auser opp.» ¹⁰Då kasta ho seg ned med andletet mot jorda og sa til han: «Kvifor ser du på meg med velvilje og tek imot meg, endå eg er ein framand?» ¹¹Boas svara henne: «Dei fortalde meg meir enn éin gong om alt du gjorde for svigermor di etter at mannen din døydde. Du forlét far din og mor di og fedrelandet ditt og drog til eit folk du ikkje kjende frå før. ¹²HERREN skal løna deg for det du har gjort! Måtte du få fullt vederlag frå HERREN, Israels Gud, no når du er komen for å søkja ly under hans venger.» ¹³Ho sa: «Måtte du framleis sjå på meg med velvilje, herre, for du har trøysta meg og

snakka venleg til tenestekvinna di, endå eg ikkje eingong er som ei av kvinnene i tenesta di.»

¹⁴ Då tida var komen for å eta, sa Boas til henne: «Kom hit og et av brødet, og dypp stykket ditt i vineddiken!» Så sette ho seg ved sida av skurdfolket, og Boas gav henne rista korn. Ho åt og vart mett og hadde endå noko att. ¹⁵ Då ho reiste seg for å sankka, gav Boas denne beskjeden til tenestefolka: «Også mellom kornbanda kan ho sankka. Plag henne ikkje! ¹⁶ Ja, de kan dra aks ut or kornbanda og la dei liggja att, så ho kan plukka dei opp. Ingen må truga henne.»

¹⁷ Så sankka Rut aks på åkeren heilt til kvelden. Då ho banka kornet ut or aksa, vart det om lag ein efa bygg. ¹⁸ Ho bar det med seg inn til byen, og svigermor hennar fekk sjå det ho hadde sankka. Så tok Rut fram det ho hadde til overs etter at ho hadde ete seg mett, og gav henne det. ¹⁹ Då sa svigermor hennar: «Kvar har du sankka i dag, og kvar har du arbeidd? Velsigna er han som har vilja kjennast ved deg!» Så fortalde ho svigermora kven ho hadde arbeidd hos. Ho sa: «Den mannen eg arbeidde hos i dag, heiter Boas.» ²⁰ Då sa Noomi til svigerdottera: «Han skal vera velsigna av HERREN, som ikkje har halde opp med å visa miskunn, verken mot dei levande eller dei døde!» Og Noomi la til: «Den mannen er i slekt med oss. Han er ein av løysingsmennene våre.» ²¹ Då sa Rut, moabittkvinna: «Han sa òg til meg: Hald deg til mine folk heilt til dei er ferdige med heile mi skurdonn.» ²² Då sa Noomi til Rut, svigerdotter si: «Det er godt, dotter mi, at du går saman med tenestejentene hans, så du slepp å lida vondt på annan manns åker.» ²³ Så heldt ho lag med tenestejentene til Boas og sankka aks til bygghausten og kveitehausten var over. Og ho vart buande hos svigermor si.